



Ráðhús Reykjavíkur
Borgarráð

Efni: Tillaga um framlengingu samninga vegna frístundaheimila sjálfstætt rekinnna grunnskóla og gerð samning við Suðurhlíðarskóla um framlag vegna reksturs frístundaheimilis

Á fundi skóla- og frístundaráðs þann 16. janúar 2023 var lögð fram svohljóðandi tillaga sviðsstjóra skóla- og frístundasviðs, dags. 11. janúar 2023 ásamt drögum að viðauka við samning um framlag skóla- og frístundasviðs til sjálfstætt starfandi grunnskóla vegna reksturs frístundaheimilis og drög að þjónustusamningi um framlag vegna barna í Suðurhlíðarskóla sem nýta frístundaheimili skólans:

Sviðsstjóri skóla- og frístundasviðs leggur til að heimilt verði að framlengja þegar gerða samninga sem giltu til 10. júní 2021 um framlag til sjálfstætt starfandi grunnskóla vegna reksturs frístundaheimila þeirra þannig að þeir gildi til 7. júní 2023. Við bætast því skólaárin 2021 – 2022 og 2022 – 2023 en uppgjör hefur nú þegar farið fram vegna skólaársins 2021 – 2022. Um er að ræða sjálfstætt starfandi grunnskóla í Reykjavík með börn með lögheimili í Reykjavík í 1. til 4. bekk en þetta eru Barnaskóli Hjallastefnunnar, Landakotsskóli, Skóli Ísaks Jónssonar og Waldorfskólinn Sólstafrir. Jafnframt er lagt til að samþykkt verði að gera samning um framlag vegna reksturs frístundaheimilis Suðurhlíðarskóla vegna barna í 1. til 4. bekk vegna skólaáranna 2021 - 2022 og 2022 -2023. Í öllum tilvikum er gerður fyrirvari um að uppfyllt séu skilyrði sem fram koma í þjónustusamningi vegna reksturs frístundaheimila og að til staðar sé viðurkenndur þjónustusamningur um rekstur grunnskóla í Reykjavík.

Greinargerð fylgdi.

Tillagan var samþykkt. Skóla- og frístundaráðsfulltrúi Sósíalístafllokks Íslands sat hjá.

Tillögunni er hér með vísað í borgarráð.

Virðingarfyllt

Helgi Grímsson
sviðsstjóri skóla- og frístundasviðs

Meðfylgjandi:

Tillaga og greinargerð, dags. 11. janúar 2023

Drög að viðauka, ódags.

Drög að samningi við Suðurhlíðarskóla, ódags.

Tillaga

Viðtakandi: Skóla- og frístundaráð

Sendandi: Sviðsstjóri skóla- og frístundasviðs

Efni: Tillaga varðandi framlag til sjálfstætt rekinna grunnskóla í Reykjavík vegna reksturs frístundaheimila

Sviðsstjóri skóla- og frístundasviðs leggur til að heimilt verði að framlengja þegar gerða samninga sem giltu til 10. júní 2021 um framlag til sjálfstætt starfandi grunnskóla vegna reksturs frístundaheimila þeirra þannig að þeir gildi til 7. júní 2023. Við bætast því skólaárin 2021 – 2022 og 2022 – 2023 en uppgjör hefur nú þegar farið fram vegna skólaársins 2021 – 2022. Um er að ræða sjálfstætt starfandi grunnskóla í Reykjavík með börn með lögheimili í Reykjavík í 1. til 4. bekk en þetta eru Barnaskóli Hjallastefnunnar, Landakotsskóli, Skóli Ísaks Jónssonar og Waldorfskólinn Sólstafir. Jafnframt er lagt til að samþykkt verði að gera samning um framlag vegna reksturs frístundaheimilis Suðurhlíðarskóla vegna barna í 1. til 4. bekk vegna skólaáranna 2021 - 2022 og 2022 -2023. Í öllum tilvikum er gerður fyrirvari um að uppfyllt séu skilyrði sem fram koma í þjónustusamningi vegna reksturs frístundaheimila og að til staðar sé viðurkenndur þjónustusamningur um rekstur grunnskóla í Reykjavík.

Greinargerð:

I Forsaga málsins

Á 154. fundi skóla- og frístundaráðs þann 28. febrúar 2019 var samþykkt að gerður verði þjónustusamningur við sjálfstætt rekna grunnskóla í Reykjavík vegna reksturs frístundaheimila þeirra, svo fremi sem þeir uppfylla skilyrði samkvæmt drögum að samningi og væru með viðurkenndan þjónustusamning um rekstur grunnskóla í Reykjavík. Afgreiðslan var samþykkt í borgarráði þann 28. mars 2019.

Í kjölfarið voru gerðir samningar með gildistíma frá 20. ágúst til 10. júní 2021 við eftirtalda aðila:

Landakotsskóla ses, kt. 660505-1210

Hjallastefnan Grunnskólar ehf, kt. 550119-0210

Skóla Ísaks Jónssonar ses, kt. 600269-4889

Waldorfskólann Sólstafi ses, kt. 430694-2199

II Efndir samnings – úttekt á frístundaheimilum

Í 7. gr. samninga vegna frístundaheimila er kveðið á um að á samningstímanum fari fram úttekt/ytra mat á starfsemi frístundaheimilisins. Í samræmi við þetta hefur verið framkvæmd úttekt á starfsemi frístundaheimila Skóla Ísaks Jónssonar, Landakotsskóla og Barnaskóla

Hjallastefnunnar. Við úttektina voru viðmið um gæði frístundaheimila útgefin af mennta- og menningarmálaráðuneytinu 2018 höfð til hliðsjónar. Fyrirkomulag úttektarinnar var kynnt fyrir skólastjórum og forstöðumönnum frístundaheimila í Barnaskóla Hjallastefnunnar, Ísaksskóla og Landakotsskóla á rafrænum fundi þann 30. nóvember 2020 og heimsókn var farin í hvert frístundaheimili í eitt skipti eftir hádegi í mars 2021. Auk þess var óskað eftir gögnum frá frístundaheimilinu fyrir heimsóknina, þ.e. útfylltan spurningalista er varðaði ýmsa þætti starfseminnar ásamt tölulegum upplýsingum, aðgerðaráætlun/starfsáætlun frístundaheimilisins, dæmi um viðfangsefni/dagskipulag fyrir einn mánuð eða stakar 4 vikur og annað sem sýnir gæði starfsins.

Í öllum tilfellum kom úttekt ágætlega út, nokkur tækifæri eru til umbóta sem hvert frístundaheimili fékk til úrvinnslu.

III Tillaga að samningi til skólaslita vorið 2023

Lagt er til samningar við ofangreinda aðila verði framlengdir til skólaslita þann 7. júní 2023. *Tilgreindir aðilar að, undanskildum Waldorfskólanum Sólstöfum, hafa þegar fengið greitt vegna skólaársins 2021 – 2022.

Samningur verði gerður við Suðurhlíðaskóla vegna skólaáranna 2021- 2022 og 2022-2023 vegna 1. til 4. bekkjar enda liggja fyrir umsóknir skólans vegna þessara tímabila en gert er ráð fyrir að um sé að ræða greiðslu framlags vegna þriggja barna.

Þar sem ekki hefur verið framkvæmd úttekt á frístundaheimili Suðurhlíðarskóla og Waldorfskólans Sólstafa er lagt til að kveðið verði á um úttekt á skólaárinu 2022 til 2023 og sett skilyrði um að uppfyllt séu skilyrði um rekstrarfyrirkomulag og innra starf frístundaheimilisins. Samningur við Suðurhlíðarskóla verði sama efnis og við aðra sjálfstætt rekna grunnskóla í Reykjavík um rekstur frístundaheimila.

Áfram verði við það miðað að framlag Reykjavíkurborgar til sjálfstætt rekinna grunnskóla vegna reksturs frístundaheimila þeirra verði byggt á áætluðum heildarkostnaði (án húsnæðiskostnaðar) við börn í borgarreknum frístundaheimilum, skv. fjárhagsáætlun ársins, þ.e. áætluðum rekstrarkostnaði borgarrekinna frístundaheimila, á ársgrundvelli, þ.e. fyrir 9,5 mánaða tímabil. Heildarkostnaður (án húsnæðiskostnaðar) við hvert barn er kostnaður pr. barn í 5 daga vistun á viku. Barn sem dvelur í frístundaheimili skemur en 5 daga verði uppreiknað í 5 daga vistun með því að deila í fjölda vistunardaga með 5, barn sem dvelur í 4 daga í viku reiknast sem $4/5 = 0,8$, sjá nánar í drögum að samningi.

Mánaðarlegt rekstrarframlag fyrir hvert barn nemi 75% af áætluðum árlegum heildar rekstrarkostnaði á hvert barn borgarrekinna frístundaheimila og endurskoðast árlega, sbr. skilgreiningu í samningi, deilt með 9,5 þ.e. 4,25 mánuðir á haustönn og 5,25 mánuðir á vorönn.

Áætlaður kostnaður við hvert barn í frístundaheimili í Reykjavík vegna skólaársins 2022-2023 er um 27.035 þúsund krónur á mánuði og er því lagt til að greiddar verði kr. 20.276 kr. vegna reykvískra barna í frístundaheimilum sjálfstætt rekinna grunnskóla í Reykjavík vegna skólaársins 2022-2023 með fyrirvara um endurskoðun í tengslum við gerð fjárhagsáætlunar auk þess sem gerður er almennur fyrirvari um að fjárveitingar skóla- og frístundasviðs eru gerðar með fyrirvara um fjárheimildir skv. fjárhagsáætlun.

IV Fjárhagsleg áhrif.

Skóla og frístundasvið fékk 38,7mkr í fjárheimildir fyrir 2020, 2021 og 2022 til að standa undir þessum kostnaði og er fjárheimildin vistuð á kostnaðarstað 17100 á lykli 5620 Einkareknir grunn- og leikskólar.

Árið 2020 greiddi SFS (frístundaskrifstofa) um 36,1 mkr í vistunarframlög, systkinaafslátt og stuðnings til frístundaheimila sjálfstætt rekinna grunnskóla til fjögurra skóla sem gert höfðu samning árið 2019. Greiddar voru árið 2021 44,9 mkr. og vegna ársins 2022 voru greiddar 49,6 mkr. sem er umfram þá fjárheimildir sem skóla- og frístundasvið fékk til að standa undir þessum kostnaði en nýttur var afgangur af fjárheimildum frístundastarfs SFS til greiðslu þessa kostnaðar.

Systkinaafsláttur er miðaður við gjaldskrá borgarinnar og miðað við að 15% barna af heildar barnafjölda fái fullan afslátt en það er skólinn sjálfur sem gefur afsláttinn til foreldra og sendir síðan reikning á borgina.

Áætlað er að rúm 1% barna þurfi stuðning í frístundaheimilum.

Haust 2022				
Barnafjöldi 447 en 376 í frístundaheimilum	Einingarverð	Fj.barna	Fj.mánaða	Heildarverð
Kostnaður á barn m.v. 89% í 5 daga vistun	20.276	335	4,25	28.836.933
Systkinaafsláttur	15.765	50	4,25	3.363.195
Stuðningsþjónusta 1%	283.515	3,3464	4,25	4.032.213
		388,1824		36.232.340
Vor 2023				
Barnafjöldi 447 en 313 í frístundaheimilum	Einingarverð	Fj.barna	Fj.mánaða	Heildarverð
Kostnaður á barn m.v. 89% í 5 daga vistun	20.276	278	5,25	29.644.024
Systkinaafsláttur	15.765	42	5,25	3.457.324
Stuðningsþjónusta 1%	283.515	2,78481	5,25	4.145.061
		323,038		37.246.409

Fjárheimildir skóla- og frístundasviðs ná því til kostnaðarins og ekki þarf að óska eftir viðauka við fjárhagsáætlun vegna hans.

**Viðauki við samning um framlag skóla- og frístundasviðs
til sjálfstætt starfandi grunnskóla vegna reksturs frístundaheimilis**

1. gr.

Skóla- og frístundasvið Reykjavíkurborgar, kt. 530269-7609 og xxxx, kt. xxxxxxxx, gerðu þann [dags. samnings] með sér samning um framlag, vegna nemenda skólans sem eiga lögheimili í Reykjavík og fósturbarna ef fósturforeldrar eiga lögheimili í Reykjavík.

Aðilar framangreinds samnings hafa nú ákveðið að gera viðauka við samninginn.

2. gr.

Aðilar framangreinds samnings hafa ákveðið að gera samkomulag um að gildistími samningsins, [dags. samnings], verði framlengdur þannig að hann nái frá 20. ágúst 2021 til 10. júní 2022 og fyrir tímabilið frá 22. ágúst 2022 til 7. júní 2023. Nú þegar hafa verið greiddar greiðslur vegna tímabilsins 20. ágúst 2021 til 10. júní 2022 og telst það tímabil uppgert. Fjárhagsáætlun skóla- og frístundasviðs liggur til grundvallar rekstrarframlagi sem endurskoðast árlega sbr. lið 2.3 í tilgreindum samningi.

Skólinn sendir SFS upplýsingar til samræmis við gr. 2.5 í samningi aðila eigi síðar en 15. febrúar 2023 vegna haustannar 2022 og 31. maí 2023 vegna vorannar 2023.

3. gr.

Viðauki þessi telst vera hluti framangreinds samnings frá [dags. samnings] og gilda sömu ákvæði um uppsögn og endurskoðun samningsins.

Að öðru leyti en greinir í viðauka þessum gilda ákvæði gildandi samnings dags. [dags. samnings]. Að því leyti sem ákvæði þessa viðauka og gildandi samnings kunna að teljast ósamrýmanleg gilda ákvæði þessa viðauka.

4. gr.

Rísi ágreiningur um efni og/eða túlkun samningsaðila á viðaukanum skal reka ágreiningsmál fyrir héraðsdómi Reykjavíkur.

5. gr.

Viðauki þessi er gerður í tveimur samhljóða eintökum, eitt handa hvorum samningsaðila.

Viðaukinn er undirritaður af sviðsstjóra skóla- og frístundasviðs f.h. Reykjavíkurborgar og fyrirsvarsmanni xxxxx, sem ábyrgist að fyrir hendi sé heimild stjórnar grunnskólans til að undirrita viðauka þennan.

Reykjavík _____

F.h. skóla- og frístundasviðs

F.h. [Nafn rekstraraðila]

Vottar að réttri dagsetningu og undirritun

Vottar að réttri dagsetningu, undirritun og
yfirlýsingu grunnskólans um fjárræði:

DRÖG

Þ J Ó N U S T U S A M N I N G U R

Reykjavíkurborg vegna skóla- og frístundasviðs Reykjavíkurborgar (hér eftir SFS), kt.530269-7609, annars vegar og [Nafn skóla] (hér eftir skólinn), kt. [kennitala], Reykjavík, hins vegar gera með sér eftirfarandi þjónustusamning um framlag vegna barna í [Nafn skóla] sem nýta frístundaheimili skólans og eiga lögheimili í Reykjavík og fósturbarna ef fósturforeldrar eiga lögheimili í Reykjavík.

1. gr. Skilyrði

- 1.1 Skólinn skal hafa gildan þjónustusamning vegna reksturs grunnskóla við Reykjavíkurborg sem hlotið hefur staðfestingu Menntamálastofnunar, til samræmis við ákvæði reglugerðar 1150/2018 um sjálfstætt rekna grunnskóla. Starfsemi og starfsaðstaða skólans skal á hverjum tíma vera í samræmi við gildandi lög um grunnskóla, æskulýðslög, önnur lög og reglugerðir settar samkvæmt þeim sem tengjast starfseminni.
- 1.2 Réttindi og skyldur barna sem nýta frístundaheimili skólans skulu vera í samræmi við gildandi grunnskólalög á hverjum tíma, reglugerðir settar samkvæmt þeim og æskulýðslög. Starfsemi frístundaheimilis skal vera í samræmi við lög og reglugerðir varðandi aðbúnað og velferð barna, markmið og viðmið um gæði starfs á frístundaheimilum á vegum mennta- og menningarmálaráðuneytis og starfsleyfi frá Heilbrigðiseftirliti Reykjavíkurborgar.
- 1.3 Skólinn skal fá á grundvelli samnings skv. gr. 1.1 greitt fjárframlag vegna grunnskólagöngu barna sem um ræðir skv. samningi þessum. Skólinn ber alla ábyrgð á rekstri frístundaheimilisins.
- 1.4 Framlagið er greitt vegna barna í skólanum, sem nýta frístundaheimili hans og sem eiga lögheimili í Reykjavík og vegna barna sem eru fósturbörn, ef fósturforeldrar eiga lögheimili í Reykjavík. SFS krefur sveitarfélag sem ráðstafar barni í fóstur um kostnað vegna skólagöngu barns í fóstri hjá fósturforeldrum með lögheimili í Reykjavík.
- 1.5 Framlag er greitt vegna reykvískra barna og barna í fóstri hjá fósturforeldrum með lögheimili í Reykjavík sem stunda nám í 1. til 4. bekk skólans.
- 1.6 Greitt er framlag vegna nýtingar frístundaheimilis en ekki er greitt framlag vegna síðdegishressingar/fæðisgjalds. Kostnaður vegna síðdegishressingar/fæðisgjalds skal vera aðgreindur í gjaldskrá skólans.
- 1.7 Skólinn, vegna reksturs frístundaheimilisins, fylgir ákvæðum laga um persónuvernd og vinnslu persónuupplýsinga nr. 90/2018 enda telst hann ábyrgðaraðili persónuupplýsinga vegna vinnslu þeirra í starfsemi

Drög að samningi við Suðurhlíðarskóla

frístundaheimilisins. Skólanum ber að tryggja að miðlun upplýsinga skv. samningi þessum til skóla- og frístundasviðs sé í samræmi við framangreind lög um persónuvernd og vinnslu persónuupplýsinga.

Starfsfólk skólans skal gæta fyllstu þagmælsku um hagi foreldra og barna þeirra sem það fær vitneskju um í starfi sínu og leynt skulu fara samkvæmt lögum, fyrirmælum yfirboðara eða eðli máls. Þagnarskylda helst þótt látið sé af starfi. Brot á þagnarskyldu getur varðað refsingu samkvæmt almennum hegningarlögum.

Óheimilt er að ráða til starfa í frístundaheimilið einstaklinga sem hlotið hafa refsidóm vegna brota á ákvæðum XXII. kafla almennra hegningarlaga, nr. 19/1940. Sama gildir um þá sem hlotið hafa refsidóm fyrir brot gegn lögum um ávana- og fíkniefni, nr. 65/1974, á síðastliðnum fimm árum. Við ráðningu skal liggja fyrir sakavottorð eða heimild skólastjóra til að afla upplýsinga úr sakaskrá.

- 1.8 Um framlag samkvæmt samningi þessum gilda reglur Reykjavíkurborgar um styrki. Þess skal getið í kynningarefni skólans að hann njóti framlaga frá Reykjavíkurborg.
- 1.9 Framlag er greitt að uppfylltum framangreindum skilyrðum og skilyrðum sem fram koma í 2. og 3. gr. samnings þessa.

2. gr. Fjárframlög

- 2.1 Framlagið er byggt á áætluðum heildarkostnaði (án húsnæðiskostnaðar) við börn í borgarreknum frístundaheimilum, skv. fjárhagsáætlun ársins, þ.e. áætluðum rekstrarkostnaði borgarrekkinna frístundaheimila, á ársgrundvelli, þ.e. fyrir 9,5 mánaða tímabil. Heildarkostnaður (án húsnæðiskostnaðar) við hvert barn er kostnaður pr. barn í 5 daga vistun á viku. Barn sem dvelur í frístundaheimili skemur en 5 daga er uppreiknað í 5 daga vistun með því að deila í fjölda vistunardaga með 5, barn sem dvelur í 4 daga í viku reiknast sem $4/5 = 0,8$. sjá töflu í grein 2.2.
- 2.2 Mánaðarlegt rekstrarframlag fyrir hvert barn nemur 75% af áætluðum árlegum heildar rekstrarkostnaði og endurskoðast árlega, sbr. skilgreiningu í gr. 2.1, á hvert barn borgarrekkinna frístundaheimila deilt með 9,5 þ.e. 4,25 mánuðir á haustönn og 5,25 mánuðir á vorönn.

Úthlutun er eftirfarandi:

- Barn í 5 daga vistun á viku eða yfir 17 kl. tíma á viku, greitt fullt framlag.
- Barn í 4 daga vistun á viku eða 13 til 16 kl. tíma á viku, greitt 80% af heildar framlagi.

Drög að samningi við Suðurhlíðarskóla

- Barn í 3 daga vistun á viku eða 9 til 12 kl. tíma á viku, greitt 60% af heildar framlagi.
- Barn í 2 daga vistun á viku eða 5 til 8 kl. tíma á viku, greitt 40% af heildar framlagi.
- Barn í 1 daga vistun á viku eða 1 til 4 kl. tíma á viku, greitt 20% af heildar framlagi.

Vegna systkina gildir eftirfarandi:

Greitt er hærra framlag til skólans til lækkunar á gjaldskrá skólans gagnvart foreldrum ef systkini, tvö eða fleiri dvelja í frístundaheimili skólans fyrir sama fjölda daga/stunda og yngra/yngrsta barnsins fyrir eldra/eldri systkini á starfstíma grunnskóla sem nemur 100% af framlagi fyrir hvert barn/afslætti af gjaldskrá skóla- og frístundasviðs vegna frístundaheimila Reykjavíkur að því gefnu að fjölskyldunúmer í þjóðskrá og lögheimili sé það sama. Ef systkini eru fleiri en tvö er greitt hærra framlag sem nemur 100% af framlagi fyrir hvert barn /afslætti af gjaldskrá skóla- og frístundasviðs vegna frístundaheimila Reykjavíkur vegna allra barnanna að undanskyldu því yngsta.

Það sama gildir ef barn í frístundaheimili skólans á yngra/yngrri systkini í vistun í leikskóla borgarinnar eða skóla- og frístundasvið greiðir framlag vegna dvalar barns hjá dagforeldri eða til sjálfstætt rekens leikskóla, yngra systkin er í frístundaheimili Reykjavíkurborgar eða greitt er framlag til sjálfstætt rekens grunnskóla vegna reksturs frístundaheimilis.

Foreldrar skulu alltaf skal greiða gjald vegna yngsta barns.

Skilyrði fyrir afslætti vegna systkina er að öll börnin séu með sama fjölskyldunúmer/lögheimili í þjóðskrá. Ekki er greitt framlag vegna síðdegishressingar og því ekki veittur afsláttur vegna systkina.

Ekki er veittur systkinaafsláttur af gjaldi vegna þjónustu á foreldradögum og starfsdögum.

Eftirfarandi eru upplýsingar um fjárhæð framlagsins vegna árana 2021-2022 og 2022-2023

Framlag Skóla og frístundasviðs 2021			
Fjöldi vistunardaga	Tímar á viku	Framlag á mánuði	Systkina afsláttur
5 Dagar	Yfir 17	17.190	14.490
4 Dagar	13 til 16	13.752	11.810
3 Dagar	9 til 12	10.314	9.120
2 Dagar	5 til 8	6.876	6.435
1 Dagar	1 til 4	3.438	3.735

Framlag Skóla og frístundasviðs 2022			
Fjöldi vistunar daga	Tímar á viku	Framlag á mánuði	Systkina afsláttur
5 Dagar	Yfir 17	20.276	15.765
4 Dagar	13 til 16	16.221	12.845
3 Dagar	9 til 12	12.166	9.920
2 Dagar	5 til 8	8.110	7.000
1 Dagur	1 til 4	4.055	4.065

Foreldrar sækja um systkinaafslátt hjá skólanum.

Ef breytingar verða á gjaldskrá frístundaheimila/sértæks félagsmiðstöðvastarfs á vegum Reykjavíkurborgar á samningstímanum gilda þær einnig um framlag vegna reksturs frístundaheimila sjálfstætt rekinna grunnskóla.

- 2.3 Fjárhagsáætlun skóla- og frístundasviðs liggur til grundvallar útreikningi framlagsins. Rekstrarframlagið endurskoðast árlega eftir að fjárhagsáætlun Reykjavíkurborgar hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi skóla- og frístundasviðs, s.s. vegna breytinga á lögum, reglugerðum og kjarasamningum, fjárhagsáætlun skóla- og frístundasviðs eða vegna kröfu um hagræðingu í rekstri. Mun skóla- og frístundasvið upplýsa um breytinguna svo fljótt sem verða má og eigi síðar en 14 dögum eftir að hún tekur gildi gagnvart frístundaheimilum Reykjavíkurborgar.
- 2.4 Uppgjör samkvæmt samningi þessum skal fara fram í febrúar 2023 vegna haustannar 2021 og vorannar og haustannar 2022 og í júní vegna vorannar 2023.
- 2.5 Uppgjör samkvæmt grein 2.2 fer fram að undangengnum skilum skólans á nauðsynlegum upplýsingum; Skólinn skal senda SFS upplýsingar um nöfn, kennitölur og heimilisföng reykviskra barna sem nýta frístundaheimilið, auk upplýsinga um lengd dvalar þeirra eigi síðar en 15. febrúar 2023 vegna haustannar 2021 og vorannar og haustannar 2022 og 31. maí 2023 hvert vegna vorannar 2023. Ef um er að ræða aukið framlag vegna systkina skal þess getið.
- 2.6 Framlag SFS er greitt til skólans, sbr. grein 2.4 innan 30 daga frá eindaga reiknings skólans. Ef SFS eða skólinn verða vör við mistök í greiðslu framlags ber að tilkynna um þau án tafar.

3. gr. Skilgreining þjónustu

3.1 Með samningi þessum skal skólinn veita eftirfarandi þjónustu að lágmarki:

Þjóða upp á fjölbreytt tómstundastarf þegar hefðbundnum skóladegi barna í 1. – 4. bekk lýkur. Á samningstímanum verði þjónustutími frístundaheimilis þróaður til samræmis við þjónustutíma frístundaheimila sem eru rekin af Reykjavíkurborg, sjá reglur um þjónustu frístundaheimila.

https://reykjavik.is/sites/default/files/skjol_thjonustulysingar/reglur_um_thjonustu_fristundaheimila.pdf

Leggja skal áherslu á að hver einstaklingur fái að njóta sín og þroskast í umhverfi sem einkennist af hlýju, öryggi og virðingu.

Frístundaheimilið skal vera frístundavettvangur barna með áherslu á val barna, frjálsan leik og fjölbreytileika í viðfangsefnum og umhverfi. Við skipulag þjónustu frístundaheimila skal tekið mið af þörfum, þroska og áhuga hvers og eins

3.2 Þjónusta við börn sem þurfa sértækan stuðning í frístundastarfi skal skipuleggja í samvinnu við foreldra, skólann og aðra fagaðila er tengjast börnum. Hægt er að sækja um greiðslu vegna stuðnings við börn á frístundaheimilum. Sækja skal um heimild fyrir stuðningi til ráðgjafabroskaþjálfara hjá skrifstofu frístundamála hjá SFS þar sem einnig má nálgast viðeigandi umsóknarform og frekari upplýsingar.

Þjónusta við börn sem þurfa sértækan stuðning skal alltaf stuðla að virkri þátttöku barna í frístundastarfinu.

4. gr. Gjaldtaka

Skólanum er heimilt að taka gjald af foreldrum vegna dvalar barna þeirra á frístundaheimili skólans.

5. gr. Innritun barna

Skólanum ber að setja sér reglur um innritun barna í frístundaheimili skólans sem byggðar skulu á ákvæðum grunnskólalaga um skóla án aðgreiningar þar sem öll börn eiga sama rétt til að innritast í frístundaheimilið án tillits til líkamlegs eða andlegs atgervis.

6. gr. Fundir og námskeið fyrir skólastjórnendur

SFS skal upplýsa og bjóða stjórnendum skólans á reglubundna fundi sem yfirstjórn SFS heldur með stjórnendum frístundastarfs í Reykjavík. Jafnframt skal bjóða stjórnendum skólans að sækja námskeið á vegum SFS gegn greiðslu kostnaðar.

7. gr.

Upplýsingar, mat og eftirlit

Skóla- og frístundasvið fer með lögbundið eftirlit með starfsemi frístundaheimilisins og einnig með eftirlit með efndum samningsins.

Á samningstímanum fer fram úttekt/ytra mat á starfsemi frístundaheimilisins. Skóla- og frístundasvið annast formlega úttekt á starfsemi frístundaheimilisins byggt á lögum um grunnskóla og viðmiðum um gæði starfs vegna frístundaheimila fyrir börn 6-9 ára útgefnum af mennta- og menningarmálaráðuneytinu;

<https://www.stjornarradid.is/lisalib/getfile.aspx?itemid=80cf3a67-3103-11e8-942a-005056bc530c>

Við undirritun samningsins skal skólinn leggja fram vetraráætlun/starfsáætlun um helstu verkefni og áherslur starfseminnar vegna skólaársins 2022-2023.

8. gr.

Ársskýrsla og endurskoðaður ársreikningur

Skólinn skal skila ársskýrslu ásamt endurskoðuðum ársreikningi til SFS fyrir 1. maí ár hvert fyrir liðið fjárhagsár.

8. gr.

Endurskoðun samnings

Ef upp koma breytingar í starfsumhverfi viðurkenndra grunnskóla eða frístundaheimila sem reknir eru af öðrum en Reykjavíkurborg er samningsaðilum heimilt að óska eftir endurskoðun samningsins með tilliti til þeirra.

9. gr.

Framsal

Samningsaðilum er óheimilt að framselja réttindi sín og/eða skyldur samkvæmt samningi þessum, í heild eða að hluta, nema að fyrirframfengnu skriflegu samþykki hins.

10. gr.

Force Majeure

Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

11. gr.

Endurkrafa á ofgreiddu framlagi og vanefndir

Drög að samningi við Suðurhlíðarskóla

- 11.1 Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til skólans við næstu greiðslu sem því nemur eða krefjast endurgreiðslu. Skólinn getur óskað eftir að endurgreiðslu verði skipt á þrjá mánuði. Dráttarvextir reiknast af höfuðstól endurgreiðslukröfunnar skv. 1. mgr. 6. gr. laga nr. 38/2001 um vexti og verðtryggingu.
- 11.2 Komi til vanefnda af hálfu annars hvors aðila samnings þessa er hinum aðilanum heimilt að grípa til viðeigandi vanefndaúrræða. Sé um verulega vanefnd að ræða er heimilt að grípa til riftunar að undangengnum hæfilegum fresti til úrbóta.

12. gr. Gildistími og uppsögn

- 11.1 Samningur þessi gildir til vegna tímabilsins 23. ágúst 2021 til 8. júní 2022 og frá 22. ágúst 2022 til 7. júní 2023 og fellur brott án uppsagnar að þeim tíma liðnum. Gerður er fyrirvari af hálfu Reykjavíkurborgar um að fjárveitingar SFS eru gerðar með fyrirvara um fjárheimildir skv. fjárhagsáætlun á hverju ári eftir fyrsta ár samningsins.
- 11.2 Óski annar hvor aðilinn eftir því að segja upp samningnum fyrr er gagnkvæmur uppsagnarfrestur 3 mánuðir. Tilkynning um uppsögn skal vera skrifleg og afhent með sannanlegum hætti.

13. gr. Varnarþing

Komi til þess að mál verði höfðað vegna ágreinings um samning þennan skal það rekið fyrir héraðsdómi Reykjavíkur.

14. gr. Undirritun

Samningur þessi er gerður í tveimur (2) samhljóða eintökum og heldur hvor aðili sínu eintaki. Öllu framangreindu til staðfestu rita til þess bærir fyrirsvarsmenn/fulltrúar aðila nöfn sín hér undir í votta viðurvist.

Reykjavík, _____

F.h. skóla- og frístundasviðs

F.h.

Drög að samningi við Suðurhlíðarskóla

Vottar að rétttri undirskrift, dagsetningu og yfirlýsingu XXX ses. um fjárræði sitt:

Nafn og kt.

Nafn og kt.

Vottar að rétttri undirskrift, dagsetningu og yfirlýsingu fulltrúa Reykjavíkurborgar um fjárræði sitt:

Nafn og kt.

Nafn og kt.

DRÖG